

蔡陸仙編

中國醫藥匯海
(三)

中華書局印行

(二) 哮喘症

哮喘即痰喘之久而常發者；因內有壅塞之氣，外有非時之感，膈有膠固之積三者相合，閉拒氣道，搏擊痰有聲，發爲哮喘。補彙皮毛者，肺之合也。經內肺經素有火邪，毛竅常疎，故風邪易入，謂之寒包熱。玉冊由痰火鬱於內，風寒束於外，或因坐臥寒濕，或因酸鹹過度，或因積火薰蒸，病根深入，難以卒除。介賓哮喘與喘相類，膈不似喘開口出氣之多，而有呀呷之音，呷者口開，呀者口閉，開口閉口，盡有痰聲，呷呀二字，合成哮喘字，以痰結喉間，與氣相繫故也。必讀又哮喘以聲響言，喘以氣息言，又喘促而喉中如水難聲者謂之哮喘，氣促而連續不能以息者謂之喘。正傳

哮喘各方

散劑

越婢加半夏湯（見水腫病條）

參蘇溫肺湯東垣 治肺受寒而喘嗽。

人參

紫蘇莖葉

肉桂

甘草

木香

五味子

陳皮

半夏製

桑根白皮 白朮各二錢 白茯苓一兩

咬咀，每服五錢，清水一盞半，加生姜三片，煎至七分，去滓，食後溫服。如冬寒，每服加麻黃五釐，（不去節）先煎去沫，後下諸藥。

（彙補）

五虎湯 痰哮喘用之如神，但爲劫劑，不宜久服，虛人自汗禁用。

麻黃一分 杏仁一錢五分 石膏一錢五分 甘草八分 桑皮一錢 細辛五分 生姜二片

五虎，言其猛烈也。麻、辛、生、姜，以開散表寒，石膏、桑皮，以清內熱，杏仁以宣降肺氣，以甘草和之。凡內熱外寒壅閉者，可暫一用。有定禍亂治太平之功效焉。

斂降劑

白菓湯 治哮喘痰盛。（彙補）

半夏 麻黃 款冬花 桑皮 甘草各三錢 白菓二十個 黃芩 杏仁各一錢

蘇子二錢 御米殼一錢 水煎，分二服。

此爲治喘化痰斂降肺氣之通方，近醫多喜用之。

攻劫劑

(彙補)

捷徑方

1. 用蘿蔔汁生梨汁藕汁姜汁等分，入酒煮熟，埋土中，去火毒，不拘時服。
2. 治小兒哮喘，用海螵蛸亂屑細末以糖醃吃，立愈。服後發者再服。
3. 治頑痰哮喘，用青皮一枚，擘開去穰，入江子一枚，麻絨紮定，火上燒盡烟存性爲末，生姜汁和酒呷之。

(彙補)

治哮喘方

人言一錢絹包，和川黃連三錢，煮水乾爲度，後用石中黃三錢，鵝兒不食草三錢，江西淡豆豉一兩，研爲丸，如菉豆大，每服五丸，溫白滾湯下。

(四) 呃逆症(即噦症)

內經有咳逆而無呃逆，大率由痰閉於上，火動於下，上注於肺，直衝清道而作聲也。有陰陽之分，虛實之別，寒熱之異，不可一概混治。要知胃實則噫，胃虛則噦。補其病因有久病胃虛者，有傷寒失下者，有痰結於上，火起於下，痰火相搏者，有胃弱陰虛，木挾火勢，上凌胃土者，有過服寒涼，胃寒而得者，有水停食鬱，氣逆而得者，有悲怒鬱熱者，有單衣著寒者。補其辨法，火呃呃聲大響，乍發乍止，燥渴便難，脈數有力，寒呃朝寬暮急，連續不已，手足清冷，脈遲無力，痰呃呼吸不利，呃有痰聲，脈滑有力，虛呃氣不接續，呃氣轉大，脈虛無力，痰呃心胸刺痛，水下即呃，脈芤沉澹。又中焦呃逆，其聲輕而短，水穀爲病也。下焦呃逆，其聲惡而長，虛邪相搏也。子又因內傷脾胃，及大病後胃弱，多面青肢冷，便軟有餘，因外感胃熱，及大怒大飽，多面紅肢熱，便閉，虛者難治，實者易愈。如尋常無別症，忽然發呃者，屬氣逆與痰滯。入大抵傷寒及滯下後，老人虛人婦人產後，多有呃症者，皆病深之候也。三若額上出汗，連聲不絕者危。醫鑑

呃逆症各方

和劑

橘皮竹茹湯金匱 治胃虛噦逆。

橘皮二個 去白

竹茹二升

大棗三十枚 擘

生姜八兩

甘草五兩 炙

人參一兩

（一方加半夏一兩，湯

洗。清水一斗，煮取三升，溫母甘升，日三服。加白朮、枳殼尤妙。呃逆加柿蒂三枚。

呃逆皆是寒熱錯亂，二氣相嘔所致。故方中用生姜、竹茹，一寒一熱以祛之。人參、橘皮，一開一闔以分之。甘草、大棗，奠安中土，使中土有權，則噦逆自止。

（六科準繩方）

丁香柿蒂散 治寒呃。

丁香

柿蒂各二錢

（一方加貝母、甘草等分，一方加青皮、陳皮等分，一方加半夏、生姜。）研爲末，每服一錢，生姜五片，煎湯調下。體虛者人參一錢，煎湯調下。

利氣劑

木香調氣散

太平惠民和劑局方

治氣滯，胸膈虛痞，惡心嘔逆，縮冷腹痛。

木香

白豆蔻仁 去殼

丁香

檀香 各二兩

藿香葉

甘草 炙各八兩

縮砂仁 四兩妙

（一

方無丁香、檀香）研爲細末，每服二錢，加鹽少許，沸湯調如稠糊下，晨夕各一次。或滴水爲丸，服二

錢亦可。

蘇子降氣湯

同上

治虛陽上攻，氣不升降，上盛下虛，痰涎壅甚，肺逆喘嗽，胸膈噎塞者。

紫蘇子 炒

半夏 湯泡

前胡 去蘆

厚朴 去皮姜製炒

陳皮 去白

甘草 炙各一錢

當歸 去蘆

沉香 各七分

(一方加蘇葉，一方無沉香，有肉桂，一方無陳皮當歸沉香，有肉桂。) 清水二鍾，加生姜三片，大棗一枚，煎至一鍾，不拘時服。虛冷加黃耆一錢，肉桂五分。

清劑

大補陰丸丹溪降陰火，益腎水，治陰虧火旺，肺痿欬血，呃逆煩熱易飢，骨蒸盜汗，足膝疼熱虛勞證。

黃蘗

鹽酒拌新瓦上炒褐色

知母

去皮酒拌濕炒一作鹽水炒各四兩

熟地黃

懷慶肥大沉水者酒洗焙乾

敗龜板

酥炙黃各六兩

研爲細末，猪脊髓加煉蜜和丸，如梧桐子大，日乾。每服五十丸，空腹時，姜鹽湯或淡鹽湯送下。

陰常不足，陽常有餘，善衛生者，宜常養其陰，俾陰與陽齊，則水能制火，體強無病。今人縱慾者多，積血既虧，相火必旺，真陰愈竭，孤陽妄行，而勞瘵潮熱，盜汗骨蒸，欬嗽咯血吐血等證易作。所以世人火旺致此病者，十居八九，火衰成此病者，百無一二。是方能驟補真陰，承制相火，較之六味，功效尤捷。蓋因此時以六味補水，水不能遽生，以生脈保金，金不免猶燥，惟急以黃蘗之苦以堅腎，則能制龍象之火，繼以知母之清以涼肺，則能全破傷之金，若不顧其本，即使病去，猶恐復來，故又以熟地龜板，大補其陰，是謂培其本，清其源矣。雖有是證，若食少便溏，則爲胃虛，不可輕用。

(太平和劑局方)

涼膈散 治溫病表裏寒熱，及心火上盛，心膈壅熱，中焦燥實，煩躁多渴，頭昏目赤，面發毒熱，唇焦咽燥，舌腫喉閉，吐血咳血，頰頰結硬，口舌生瘡，痰實不利，涕唾稠黏，大小便閉，諸風癰癤，胃熱發斑，譫語狂妄，小兒急驚，痘瘡黑陷，一切藏府積熱等症。

川大黃二兩
酒浸

芒硝(一作
朴硝)

連翹去心

淡黃芩酒炒各
一兩

甘草炙六
錢

梔子仁炒八
錢

薄荷葉七錢

(一方加生石膏)研爲末，每服四五錢至一兩。加竹葉十五片，(一作七片，一作十片，一作二十片。一方無竹葉，有生姜一片，大棗一枚，葱白一莖。)清水煎，去滓溫服。(一方加蜂蜜，少許和服。)日三夜二次，得下熱退爲度。去六經熱，減大黃、芒硝，加桔梗、甘草、人參、防風。

此方爲上中二焦瀉實火之劑。熱淫於內，治以鹹寒，佐以苦甘。故以連翹、黃芩、竹葉、薄荷、散火於上。而以大黃、芒硝之猛利，蕩熱於中，使上升下行，而膈自清矣。用甘草、生蜜者，病在膈，甘以緩之也。若專治溫熱時行，則用竹葉。若治感冒之症，則用葱白、姜、棗可也。張潔古於此方中減硝黃，加桔梗爲之舟楫，浮而上行，以治上焦諸熱而便不實者，甚得變通之妙。(醫學辭典)

溫劑

理中湯 治虛寒作呃。（方見中寒病條）

（世醫得效方）

參附湯 治陰陽氣血暴脫，上氣喘急，自汗盜汗，氣短頭暈，手足厥逆，大便秘利，或臍腹疼痛，呃逆不食，或汗多發瘧，產後發熱自汗，角弓反張，及痘疹陽氣虛寒，咬牙寒戰，手足並冷，吐瀉不食，飲沸湯不知熱者。

人參 一兩

附子 炮去皮
臍五錢

每服五錢（或作一服）加生姜大棗，清水煎，徐徐溫服。

此爲先後天並救之方。夫起居不慎，則傷腎，腎傷則先天氣虛矣。飲食不節，則傷脾，脾傷則後天氣虛矣。補後天之氣，無如人參，補先天之氣，無如附子，此參附湯之所由立也。二藏虛微之甚，參附量爲君主，二藥相須，用之得當，則能於瞬息之間，化氣於烏有之鄉，生陽於命門之內，最爲神速。若以附子易黃耆，名人參黃耆湯，有補氣止汗之功。以附子易生地，名人參生地黃湯，有固氣救陰，治寒濕厥汗之功。以人參易白朮，名朮附湯，有除濕溫裏，治陽虛厥汗之功。以人參易黃耆，名耆附湯，有補陽兼固表之功。此皆參附湯之轉換變化法也。（醫學辭典）

(五) 嘔吐病症

嘔吐噦，俱屬脾胃虛弱，或寒熱所侵，或飲食所傷，致氣上逆而食不得下也。東有內傷飲食，填塞太陰，新穀入胃，氣不宣通而吐者；有久病氣虛，胃氣衰微，聞食則嘔者；有胃中有熱，食入即吐者；有胃中有寒，食久方吐者；有風邪在胃，翻翻不定，鬱成酸水，全不入食者；有暑邪犯胃，心煩口渴，腹痛泄瀉而嘔者；有胃中有膿，腥臊薰臭而嘔者；有胃中有蟲，作痛吐水，得食暫止者；有胃中停水，心下怔忡，口渴欲飲，水入即吐者；有胃中有痰，惡心頭眩，中脘躁擾，食入即吐者。東挾寒則喜熱惡寒，肢冷脈小，挾熱則喜冷惡熱，躁渴脈洪，氣滯者脹滿不通，痰飲者遇冷即發。嘔苦知邪在膽，吐酸識火入肝。嘔涎水雖屬痰飲，尙疑蟲症，吐酸腐無非食滯，更防火患。吐清水是土之卑監，吐綠水是木之發生，黑水從胃底翻出，臭水是腸中逆來。東又上焦吐者，從於氣，氣者天之陽也。脈浮而洪，頭暈不已，氣上衝胸，食已即吐，渴欲飲水，當降氣和中。中焦吐者，從於積，有陰有陽，氣食相假，脈浮而弦，胸中痞悶，或先痛後吐，或先吐後痛，當祛積和氣。下焦吐者，從於寒，地道也。脈大而遲，四肢清冷，朝食暮吐，暮食朝吐，小便清利，大便不通，當通其閉塞，溫其寒氣。潔古

嘔吐各方

和降劑

二陳湯 治嘔吐諸症，爲能安胃氣，降逆氣也。（方見中風）

（金匱要略）

小半夏湯 治支飲痰積膈上，喘嗽嘔噦。

半夏一升（湯洗七次泡去涎水一作一兩）

生姜八兩（切一作十片一作取汁五勺）

清水七升，煮取一升五合，分溫再服。（一說將半夏

剉散，每服三錢，清水一杯，加生姜煎七分，去滓溫服。）

此方重在生姜之辛，散旁支之飲。半夏之溫，降逆安胃，合爲滌飲下行之用。至黃疸而小便色不變，欲自利，可知內無瘀熱，故用半夏和胃以鎮逆，生姜溫理中藏，中溫則升降自如，而嘔吐喘滿自除矣。（醫學辭典）

大半夏湯 治反胃嘔吐。（金匱要略）

半夏二升洗

人參 三兩

白蜜 一升

清水一斗二升（一作一斗三升）

和蜜揚二百四十遍，煮藥，取二升五合，

（一作三升）溫服一升，餘分再服。

此方以半夏降衝脈之逆，以白蜜潤陽明之燥，加人參以生既亡之津液，用甘瀾水以降逆上之液，妙在用水之多，取其多煮白蜜，去其寒而用其潤，俾粘膩之性，流連於胃，不速下行，而半夏人參之力，可以徐徐斡旋其中也。（醫學辭典）

旋覆代赭湯 治太陽汗吐下解之後，心下痞鞭，噫氣不除。（金匱要略）

旋覆花 三兩

代赭石 一兩 煅

人參 二兩

半夏 五合 洗

生姜 五兩 切

甘草 三兩 炙

大棗 十二枚 擘

清

水一斗，煮取六升，去滓再煎，取三升，溫服一升，一日三次。

汗吐下解後，邪雖去而胃氣已虧，胃氣既虧，則上焦因之失職，清無所歸而不升，濁無所納而不降，是以邪氣留滯，伏飲爲逆。故心下痞鞭，噫氣不除。方中以人參、甘草養正補虛，生姜、大棗和脾養胃，所以安定中州者至矣。更以代赭石之重，使之斂浮鎮逆，旋覆花之辛，用以宣氣滌飲，佐人參以歸氣於下，佐半夏以蠲飲於上，濁降則痞鞭可消，清升則噫氣自除。觀仲景治少陰水氣上凌，用真武湯鎮之。治下焦滑脫不守，用赤石脂禹餘糧固之，此胃虛氣失升降，復用此法理之，則胸中轉否爲泰，其爲歸元固下之法，各極其妙如此。（醫學辭典）

清劑

(彙附)

竹茹湯 治胃熱火炎嘔吐。

橘皮

半夏 各三錢

甘草

竹茹 各一錢

山梔 七分

枇杷葉 二片

姜棗

(朱丹溪方)

左金丸

治肝火燥盛，左脇作痛，吞酸嘔吐，筋疝痞結，一切肝火之症。並治霍亂轉筋，火邪內熾，及噤口痢，飲食入口卽吐者。

川黃連 六兩

吳茱萸 鹽水泡（一作湯煮片時）一兩

共爲末，水泛爲丸。（一作米粥和丸）每服三錢，熱湯送下。

（一作空腹時，白朮陳皮，煎湯送下，或加味逍遙散，煎湯送下。）霍亂用陳木瓜五錢，煎湯送下。

此瀉肝火之正劑也。肝之治有數種：水衰而木無以爲生，則地黃丸等以滋之；土衰而木無以植，則參苓甘草以培之；血虛有火，則用逍遙散清之；血虛無水，則用四物湯以養之。至於補火之法，亦下同乎腎，而瀉火之治，則上類乎心。故此方獨用黃連爲君，從實則瀉子之法，以直折其上炎之勢。佐以吳茱萸從類相求，引熱下行。並以辛燥開其肝鬱，懲其扞格，然必本氣實，而土不虛者，庶可相宜也。

攻劑

半夏生姜大黃湯 治邪實嘔吐，便閉可下者。（準繩）

半夏二兩 生姜一兩五錢 大黃二兩 水煎，分三服。

溫補劑

理中湯 治胃氣虛寒嘔吐。（方見中寒病）

六君子湯 治胃虛嘔吐。（方見中風病）

（六）噎膈反胃病

三陽結謂之膈。經內三陽者，大小腸膀胱也。小腸熱結則血脈燥，大腸熱結則便閉，膀胱熱結則津液涸。三陽既熱，便閉不通，火反上行，所以噎食不下。和子膈有拒格意，因憂鬱失志，及膏粱厚味，醇酒淫慾，而動脾胃肝腎之火，致令血液衰耗，胃脘枯槁，氣鬱成火，液凝爲痰，痰火固結，妨礙道路，飲食難進，噎膈所由成也。衆噎枯在上，咽喉壅塞，飲雖可入，食不能下。膈枯在下，胸噫痞悶，食雖可入，至胃復出，或食下而眼白口開，氣不能順，或食入而當心刺痛，須臾吐出，食出痛止。繩墨有氣滯者，有血瘀者，有火炎者，有痰凝者，有食積者。雖分五種，總歸七情之變。由氣鬱爲火，火旺血枯，津液成痰，痰壅而食不化也。若咽下塞住

不寬，項背轉側欠伸不得，似乎膈噎之症。飲食不下，心胃作疼，此痰凝血瘀。更有痰氣結核，在咽臆間，咯吐不出，飲食不下，此七情所致也。反胃者，食入良久，復吐出也。王太僕曰：「食入反出，是謂無火。」張潔古曰：「下焦吐者因於寒。」合是兩說而並衡之，其爲眞火衰微，不能腐熟水穀則一也。藥補病由悲憤氣結，思慮傷脾，或先富後貧之失精，或先貴後賤之脫營，抑鬱無聊，而寄情詩酒，或豔冶當前，而縱飲高歌，皆能釀成痰火，妨礙餉道，而食反出。藥補或食已則吐，或再食則吐，或朝食暮吐，或暮食朝吐，心胸痞悶，往來寒熱，或大便不實，或噤腐噫酸，溪丹有損傷胃氣而吐者，有脾不運化而吐者，有中焦積熱者，有下焦虛寒者。脈大有力，當作熱治。脈小無力，當作寒醫。色之黃白而枯者爲虛寒，色之紅赤而澤者爲實熱。土材

噎膈反胃各方

清潤劑

(金匱要略)

麥門冬湯 治火逆上氣，咽喉不利。

麥門冬 七升 去心

半夏 一升 洗

人參

甘草 炙各二兩

粳米 三合

大棗 十二枚 擘

清水一斗二升，煮取

六升，溫服一升，日三次。

此方卽白虎加人參湯去石膏、知母，加麥門冬、半夏、大棗，治胃中津液乾枯，虛火上炎之症，爲實則治本之良法。夫用降火之藥，而火反升，用寒涼之藥，而熱轉熾者，徒知與火熱相爭，不知補正氣以生津液，不惟無益，而反害之矣。凡肺病有胃氣則生，無胃氣則死。胃氣者，肺之母氣也。本草有知母之名，謂肺藉其清涼，知清涼爲肺之母也。又有貝母之名，謂肺藉其豁痰，豁痰爲肺之母也。然屢施於火逆上氣，咽喉不利之症，而屢不應者，名不稱矣。孰知仲景妙法，於麥冬、人參、甘草、大棗、粳米、大補中氣以生津液隊中，又增入半夏辛溫之味，以開胃行津而潤肺，豈特用其利氣下咽哉？顧其利氣下咽，非半夏之功，實善用半夏之功也。（醫學辭典）

（彙）

韭汁牛乳飲 治胃脘有死血，乾燥枯槁，食下作痛，翻胃便秘。

韭菜汁 牛乳 等分，時時呷之。有痰阻者，加姜汁。本方去牛乳加陳酒，治血膈。（韭汁專消

瘀血）韭汁辛溫，益胃消瘀。牛乳甘溫，潤燥養血。瘀去則胃無阻，血潤則大腸通，而食得下矣。（醫

方集解）

理氣劑

四七湯

治噎膈及梅核氣，屬於七情氣鬱者。（太平惠民和劑局方）

半夏

一錢五分湯泡五次（一作二錢）

赤茯苓

一錢二分去皮

紫蘇葉

六分（一作九分）厚朴
九分姜製（一作一錢二分）

（一作三片）大棗二枚，煎至八分，不拘時服。

化痰劑

滋陰清膈飲

治陰火上衝而食反出。（統旨方）

當歸

白芍

黃柏

黃連

各一錢五分

黃芩

山梔

生地

各一錢

甘草

三分

水煎，入

童便竹瀝服。

二陳湯

加竹瀝、姜汁、萊菔子，治痰結膈上，噎膈不食。（方見中風病）

通劑

滋血潤腸湯

治血枯及死血在膈，飲食不下，反出便燥。（統旨方）

當歸

三錢

白芍

生地

各一錢五分

紅花

桃仁

大黃

煨

枳殼

各一錢

水煎，入韭汁服。

（李東垣方）

通幽湯

治幽門不通，上攻吸門，噎塞不開，氣不得下，大便艱難，名曰下脘不通，治在幽門。